

De Giige no

Meiteli wenn du witt go tanze, gang!
Meiteli wenn du witt go tanze, gang du!
Meiteli wenn du witt go tanze, ganze du nur de Giige na.
Ja, chasch go, bliib ned do!

Meiteli wenn du witt go tanze, ganz du nur de Giige na,
Det was giiget, det was orgelet hed's scho immer Buebe, Buebe.
Det was giiget, det was orgelet, hed's scho immer Buebe gha.

Lusbuebe, Pfusbuebe, schnelli Buebe, helli Buebe,
Wetzbuebe, Spetzbuebe, Buebebebebe.

Jo, jo, jo, jo, Zoge am Boge, Sunntig isch scho mängisch gsi,
Und uf drümol hundert Wärdchtig, darf's scho einisch Chilbi si.
Jo, jo, jo, jo Zoge am Boge, Sunntig isch scho mängisch gsi,
Und uf drümol hundert Wärdchtig darf's scho Chilbi si.

Bueb wenn du witt go tanze, gang!
Bueb wenn du witt go tanze, gang du!
Bueb wenn du witt go tanze, gang du nor de Giige na.
Ja, chasch go, bliib ned do!

Bueb wenn du witt go tanze, ganz du nur de Giige na,
Det was giiget, det was orgelet hed's scho immer Meitschi, Meitschi.
Det was giiget, det was orgelet hed's scho immer Meitschi gha.

Flenggi Meitschi, Zenggimeitschi, stelli Meitschi, Geitschimeitschi,
Hüpfimeitschi, Töpfimeitschi, hübschi Meitschibei.

Jo, jo, jo, jo, Zoge am Boge...

Büseli wenn du witt go tanze, gang!
Büseli wenn du witt go tanze, gang du!
Büseli wenn du witt go tanze, gang du nor de Giige na.
Ja, chasch go, bliib ned do!

Büseli wenn du witt go tanze, ganz du nur de Giige na,
Det was giiget, det was orgelet hed's scho immer Kater, Kater.
Det was giiget, det was orgelet hed's scho immer Kater gha.

Schnurrikater, Pfurrikater, feissi Kater, heissi Kater,
Spelikater, veli Kater, Schmusibüsi Miau.

Jo, jo, jo, jo, Zoge am Boge...